



Tužilaštvo/Tužiteljstvo Bosne i Hercegovine  
Тужилаштво Босне и Херцеговине

Broj: T20 0 КТРО 0020837 21  
Sarajevo, 12.01.2022.godine  
HK/AM

SUD BOSNE I HERCEGOVINE  
SARAJEVO  
Sudiji za prethodno saslušanje

Na osnovu člana 35. stav 1. i 2. tačka i) i g) i člana 226. i 227. Zakona o krivičnom postupku Bosne i Hercegovine, podižem:

**OPTUŽNICU**

**PROTIV: TREBINJAC SEMIRA, zvani Sempa,** [REDACTED], rođen  
18.05.1991.godine u Sarajevu, [REDACTED]

**ŠTO JE:**

1. Dana 13.06.2021.godine oko 22,00 sata, u Sarajevu, s ciljem da načini krivotvoren novac i da ga stavi u opticaj kao pravi, nakon što je prethodno izvršio nabavku odgovarajuće opreme i podesnih sredstava, na skener-printeru marke [REDACTED], izradio neutvrđen broj krivotvorenih novčanica u apoenima od 20, 50, 100 i 200 KM, pa je u cilju da jedan dio tako načinjenog krivotvorenog novca stavi u opticaj kao pravi, na internet stranici [REDACTED] pronašao profil [REDACTED] koji je objavio prodaju drona „Manic Air“, kontaktirao istog putem mobilnog telefona broja [REDACTED] i dogovorio da se nađu ispred UO [REDACTED] lociranom na Merhemića trgu, općina Centar, Sarajevo, a zatim u cilju da sebi pribavi korist, na dogovoreno mjesto došao odjeven u odjeću koja asocira na uniformu policijskih službenika Federalne uprave policije, te nakon što mu je [REDACTED] na obližnjem parking prostoru prezentovao dron sa pratećom opremom i nakon što su dogovorili cijenu u iznosu od 1.100,00 KM, istom na ime plaćanja dao 14 (četnaest) krivotvorenih novčanica, i to: 1 (jednu) novčanicu u apoenu od 200 KM, serijskog slova i broja [REDACTED] 5 (pet) novčanica u apoenu od 100 KM, serijskog slova i broja [REDACTED] i 3 (tri) istog serijskog slova i broja [REDACTED], te 8 (osam) novčanica u apoenu od 50 KM, istog serijskog slova i broja [REDACTED] a potom preuzeo dron od [REDACTED], sjeo u svoje putničko motorno vozilo marke „BMW“, crne boje i udaljio se u nepoznatom pravcu,

2. Dana 01.07.2021.godine, oko 20,20 sati, u mjestu Šunji, općina Konjic, s ciljem da načini krivotvoren novac i da ga stavi u optičaj kao pravi, nakon što je prethodno izvršio nabavku odgovarajuće opreme i podesnih sredstava, na skener-printeru marke „[REDACTED]“ [REDACTED] izradio neutvrđen broj krivotvorenih novčanica u apoenima od 20, 50, 100 i 200 KM, pa je u cilju da jedan dio tako načinjenog krivotvorenog novca stavi u optičaj kao pravi, na internet stranici [REDACTED] pronašao profil [REDACTED] koji je objavio prodaju motocikla marke „Yamaha“, plave boje, broj šasije [REDACTED] vlasništvo [REDACTED], kontaktirao istog putem mobilnih telefona br. [REDACTED] i br. [REDACTED], na mobilni telefon broj [REDACTED] i dogovorio da se nađu u mjestu Šunji, a zatim u cilju da sebi pribavi korist, na dogovoreno mjesto došao zajedno sa [REDACTED], vozilom marke „Mercedes“, crne boje, registarskih oznaka [REDACTED], vlasništvo [REDACTED] [REDACTED] odjeven u odjeću koja asocira na uniformu policijskih službenika Federalne uprave policije, pa nakon što je navodno putem telefona izvršio provjeru dokumentacije za motor, pregledao motor i dogovorili cijenu u iznosu od 3.000,00 KM, istom na ime plaćanja dao 29 (dvadesetdevet) krivotvorenih novčanica, i to: 5 (pet) novčanica u apoenu od 200 KM, istog serijskog slova i broja [REDACTED], 16 (šesnaest) novčanica u apoenu od 100 KM, od kojih je 5 (pet) istog serijskog slova i broja [REDACTED], 3 (tri) istog serijskog slova i broja [REDACTED], 2 (dvije) istog serijskog slova i broja [REDACTED], te serijskih slova i brojeva [REDACTED] te 8 (osam) novčanica u apoenu od 50 KM, od kojih su 2 (dvije) istog serijskog slova i broja [REDACTED] te serijskih slova i brojeva [REDACTED], potom preuzeo navedeni motor od [REDACTED], te nakon što je [REDACTED] sjeo u putničko motorno vozilo marke „Mercedes“, zajedno se udaljili u nepoznatom pravcu, da bi, nakon što je [REDACTED] ovlaštenim službenim licima Državne agencije za istrage i zaštitu BiH prijavio cio događaj, dana 05.07.2021.godine, po usmenoj naredbi Suda Bosne i Hercegovine, izvršen je pretres stana i drugih prostorija i pokretnih stvari koje koristi [REDACTED] u Vogošći, [REDACTED], kojom prilikom su pronađeni predmeti upotrebljeni za izvršenje krivičnih djela, i to oprema i materijal korišten za izradu krivotvorenih novčanica, odjeća koja asocira na policijsku uniformu i još 4 (četiri) krivotvorene novčanice i to 1 (jedna) novčanica u apoenu od 200 KM, serijskog slova i broja [REDACTED], 2 (dvije) novčanice u apoenu od 100 KM, serijskih slova i brojeva [REDACTED] i [REDACTED] i 1 (jedna) novčanica u apoenu od 20 KM, serijskog slova i broja [REDACTED], kao i krivotvorene novčanice u apoenima od 50, 100 i 200 KM, koje je djelimično napravio tako što ih je isprintao na papiru formata A4, ali nije izrezao i dovršio.

**Dakle**, načinio krivotvoren novac i takav novac stavio u optičaj kao pravi, te neovlašteno nosio oznake službene osobe,

**Čime bi** počinio produženo krivično djelo Krivotvorenje novca iz člana 205. stav 1. Krivičnog zakona BiH, u vezi sa članom 54. istog Zakona, u sticaju sa krivičnim djelom Lažno predstavljanje iz člana 369. stav 1. Krivičnog zakona Federacije Bosne i Hercegovine.

TUŽILAC  
TUŽILAŠTVA/TUŽITELJSTVA BIH